

菩薩善戒經卷第五

辭五

劉宋罽賓三藏法師求那跋摩等譯

菩薩地忍品第十二

云何菩薩摩訶薩性忍智慧力故能堪種種苦惱等事一切忍一切忍有憐愍故得慈心故性忍有二種一者出家二者在家在家出家俱有三種一者能忍衆生打罵等事二者能自堪忍一切諸苦三者忍樂善法能忍衆生打罵等者菩薩摩訶薩若爲衆生所打罵時作是思惟緣我是身造作惡業今

自受報云何於彼而生瞋恚我亦不求是苦煩惱今若不忍後復增多不忍辱者是則名爲苦煩惱因我所受身及諸煩惱非衆生過自是我咎若有惡事實不樂受今若不忍便是自作若自作者復當自受生死性苦身若受苦云何不忍聲聞緣覺爲自利益尚修忍辱何況我今爲欲利益一切衆生而嘗不忍我若不忍不得具足菩薩禁戒修人正道得無上道菩薩摩訶薩作是觀時修五種忍一者於怨於親非怨親中修行於忍二者於上

中下人修習於忍三者於受苦受樂不苦不樂人中修習於忍四者於有福德無福德非有福德非無福德人中修習於忍五者於一切惡人中修習於忍菩薩成就如是五忍修習五相一者衆生相二者法相三者無常相四者苦相五者無我我所相菩薩爲彼惡人所打云何而能作親友相菩薩諦觀過去世時流轉生死無有衆生非我父母師長和尚眷屬親族所可恭敬供養之者作是觀時怨憎相減親友相生親相生故能修於忍是時

成就衆生之相法相者菩薩諦觀衆生者名爲法界名有爲法名有漏法若是法界還對法界誰打誰瞋無我無我所壽命士夫以智慧力作是觀時滅衆生相成就法相無常相者菩薩思惟一切衆生一切有爲有漏之法皆悉無常以無常故誰有罵者誰有受者若使罵者及以受者暫時停住則不得言諸法無常若使常者誰罵誰受常無常中俱無是二俱無作受尚不應生微惡之心何有打罵是故菩薩破於常相修無常相以能修習無辭五

常相故成就忍心成忍心故修菩提道乃至得阿耨多羅三藐三菩提云何菩薩修習苦相菩薩摩訶薩作是觀察若欲界衆生得大自在餘財巨富如轉輪王尚有三苦況復餘人三苦者謂復變苦生死苦苦苦作是觀時若使衆生有此三苦我不應瞋我若瞋者云何當能救彼衆生是三苦耶我若瞋者則爲增長衆生三苦作是觀時樂相滅苦相生以能修習苦相因緣故修八正道得阿耨多羅三藐三菩提云何菩薩修無我無我所相等

薩諦觀有諸外道說我是常我若常者衆生無我何以故衆生者即是五陰五陰無常若無我者何有我所是故無我無我所菩薩復作是觀我者即是菩提之心菩薩初發菩提作是觀我者即是菩提之心菩薩初發菩提心時於衆生中得一子心是名我所若我於彼有瞋心者云何得名有我有我所我若增長瞋恚心者不能度脫一切衆生作是觀時成就於忍增長無我無我所心得無我相以是因緣修八正道得阿耨多羅三藐三菩提云何菩薩能忍衆生打罵等苦菩薩爾時復

作是觀我於過去爲五欲故備受衆苦在家作務耕田種植種種苦親近國主市買販易多受衆苦我於爾時雖受如是種種大苦不得利益若我今爲度衆生故受諸苦惱當得利益我若當得大利益者應受無量不可計苦作是願時菩薩則能堪忍衆苦受苦者名一切苦一切苦者有八種一者依苦二者世法苦三者威儀苦四者法攝苦五者乞食苦六者精進苦七者爲利衆生苦八者營事苦依苦者名四依苦若比丘受四依已得出家

受戒得名具足比丘若得少衣少食卧具病藥不生愁苦心無悔恨以能修習壞苦心故修八正道得阿耨多羅三藐三菩提是名依苦世法苦者有九種一者求不得苦二者惡聲苦三者現對惡法苦四者苦苦五者亡失苦六者物盡苦七者老苦八者病苦九者死苦是名世法苦菩薩受是九種苦時不生愁惱心不悔恨不廢無上菩提之心以不悔故菩提增長菩提增長故得阿耨多羅三藐三菩提威儀苦者名身四威儀一者行二者住

三者坐四者卧菩薩若行若坐晝夜常調惡業之心忍行坐苦非時不卧非時不住所住内外若牀若地若草若葉於是四處常念供養佛法僧寶讚歎經法受持禁戒持無上法廣爲人說正思惟義如法而住分別法界修舍摩他毗婆舍那菩薩修習如是法時設有諸苦堪樂忍受是名威儀苦乞食苦者有七種一者身捨飾好二者剃除鬚髮三者著割截衣四者一切世事不得自在命屬於他五者乞求活命六者遠離生業少欲知足七者

第十三
捨離親族五欲之樂云何乞求活命供身之物衣服飲食房舍卧具病瘦醫藥一切仰他不得不嫌得時知足乃至盡壽障受五欲妓樂戲笑忍如是苦是名乞食苦精進者菩薩精進供養三寶受持讀誦菩薩藏經書寫解說思惟其義晝夜不廢勤加精進修習聖道以精進故堪忍衆苦是名精進苦爲利衆生苦者如上利內外十一事中說是名利衆生苦營事苦者熏鉢縫衣染作浣濯衆僧使役供給師長若爲供養塗掃佛塔爲善法故

終不休息爲阿耨多羅二藐三菩提故忍種
種苦是名營事苦忍樂善法苦者有八種忍
受三寶所有功德忍佛菩薩不可思議忍因
忍果忍善方便忍佛菩薩性復有二忍一者
究竟忍二者淨智慧忍是名法忍云何菩薩

解五

難忍難忍有三種一者有無量衆生打罵善
薩善薩能忍二者菩薩有自在方能打罵忍
受不報菩薩處在種族豪貴能忍卑下云何
一切自忍菩薩摩訶薩於怨親中非怨親中
忍下忍中忍上忍是名一切自忍善人忍者

有五種知忍功德一者不著惡心瞋心二者
心難沮壞三者心無愁惱四者死時無悔五
者死已受天人樂菩薩觀忍有如是功德教
化衆生令行於忍自所修忍亦得增長讚歎
忍辱見行忍者恭敬尊重讚歎禮拜是名善
人忍一切行忍者菩薩摩訶薩觀不忍者所
有過惡云何名惡果報能得三惡道故畏惡
道故應修行忍憐愍故忍爲修慈故忍爲軟
心故忍爲愛衆生故忍至心爲阿耨多羅三
藐三菩提故忍具足羼提波羅密故忍爲出

家故忍爲受戒故忍爲具足性故忍爲欲修習無量世忍故忍爲得忍性故忍爲得無受無瞋故忍爲見法界故忍爲見衆生界故忍一切時忍一切國忍一切心忍是名一功德忍除忍者若有貧窮之人數從菩薩乞索所須復有惡人亦來從乞復有破戒之人亦來從乞破壞惡心修習忍心爲破苦故施以樂事是名除忍自利利他忍者菩薩忍於飢渴寒熱風雨惡獸終不放逸生死受苦憐愍衆生菩薩摩訶薩得如是等忍增長現在一切

善法遠離煩惱他世獲得無量善果悉能調伏衆生惡心惡心調故一切煩惱不得其便現在安樂後獲善果是名自利利他忍寂靜忍者菩薩若爲諸惡衆生之所打罵於彼終不生於惡心不作怨想作善友想若無如是諸惡人者我之善法云何增長見有罵者輕語慰喻修慈悲心能壞欲界所有煩惱具足第六如是十忍菩薩能修八正道得阿耨多羅三藐三菩提

菩薩地精進品第十三

云何菩薩性精進性精進者心勤精進爲攝善法故爲利衆生故爲令衆生得無上道故爲破顛倒故以性精進故得身口意業善是名性精進一切精進者有二種一者世二者出世復有二種一者在家二者出家復有三種一者莊嚴二者攝取善法三者爲利衆生莊嚴者菩薩摩訥薩初發心時勤精進莊嚴若我能令一人解脫於無量劫在地獄中受大苦惱受大苦惱已然後得阿耨多羅三藐三菩提得菩提已乃至能令一人解脫亦當

受於地獄之苦心不休息是名莊嚴菩薩具足莊嚴精進勝於一切聲聞緣覺所得功德不可稱計何以故爲欲利益一切衆生受大苦故若爲一人受大苦惱尚得無量無邊功德何況乃爲一切衆生是名菩薩莊嚴精進攝取善法勤精進者若爲修行檀波羅蜜尸波羅蜜羼提波羅蜜禪波羅蜜般若波羅蜜勤精進者名爲不動一切煩惱一切惡業一切邪見一切苦惱不傾動故亦名堅固健莊嚴故復名一切知世方術及出世法故復名

具足方便真實因緣修習道故復名真實得真實義故復名爲廣一切時中無休息故復名調伏勤修精進不生憍慢故如是亡事增長善法是名攝取善法精進以勤精進故具足六波羅密勤精進法於諸迴向菩提法中是近因緣無上無勝是故如來於經中說阿難勤精進者疾得阿耨多羅三藐三菩提爲利衆生勤精進者有十一種如戒中說勤精進者菩薩摩訶薩不作衣想不作食想不作卧具想不作我想不作我所想不作法想不

作道想不作菩提想亦爲菩提勤修精進是名勤精進於一切時一切國一切心勤修精進是亦名難不急不緩處中而行是名勤精進勤精進有二種因一者悲二者慧一切自精進者有四種一者離惡法二者增長善法三者瑩磨善法四者增長智慧離惡法者若菩薩摩訶薩勤修精進未生惡法勤作方便令不生故增長善法者已生善法方便令增廣故瑩磨善法者勤修身口意業因緣至心繫念受持善法故增長智慧者若菩薩勤修

精進多聞修定增長智慧故是名一切自精進善人精進者菩薩爲善法故勤精進時設燒身首不以爲熱菩薩修善法時勤行精進尚自不覺地獄火熱況世間火菩薩精進不^{離五}多不少平等而行增長精進善調御故所以者何心清淨故不休不息心不悔故得大利益不顛倒故畢竟能得阿耨多羅三藐三菩提故是名善人精進一切行精進者常勤精進至心精進智慧精進不斷精進莊嚴精進忍苦精進不動精進不時精進不知足精進

菩薩成就一切行精進名爲大力常勤精進安住善處堅固莊嚴不休不息得於善法欲心精進菩薩摩訶薩求阿耨多羅三藐三菩提故至心欲精進菩薩摩訶薩增長菩提心故方便心精進菩薩摩訶薩諸煩惱垢不行其心以身爲器成阿耨多羅三藐三菩提故勝精進菩薩摩訶薩爲於善法不救身首火故如是菩薩勝於一切聲聞緣覺求精進菩薩摩訶薩求於世法及出世法諸方術故學精進菩薩摩訶薩速得世法及出世法故利

他精進菩薩摩訶薩有十一種如戒中說不作犯意犯已懺悔除精進及自利利他如忍中說寂靜精進者有十種一者宜二者修習三者非動四者堅持五者一切時六者緣三相七者捨八者不散九者調御十者趣向菩提菩薩若起一切煩惱爲除病故隨對治之如貪欲起觀不淨相瞋恚起時修於慈心愚癡心起觀十二因緣思覺起時觀阿那波那破憍慢故觀衆生界是名宜精進菩薩精進非始非終無量世中常得成就是名修習精

第五

九

進菩薩精進常勤修習亦如初得是名非始精進一切時中勤精進故是名非動菩薩摩訶薩常能親近諸師長宿有德之人修學多聞若修三昧思惟其義勤行精進隨順聽受是名堅持精進菩薩摩訶薩心不顛倒宜修舍摩他時修舍摩他宜修毗婆舍那時修毗婆舍那宜修捨時修行於捨是名一切時精進菩薩善知定慧捨時時修習三相入相住相起相不失正念至心精勤是名緣三相精進菩薩若聞諸佛菩薩勤精進故不可思議

聞已其心不自輕不愁惱不知足是名捨精進菩薩摩訶薩時調伏諸根諸入飲食知足初夜後夜減損睡眠至心不亂無有放逸追求莊嚴發勤精進修真實義心無顛倒隨順修道是名不散精進菩薩精進不急不緩所作事業處中而行是名調御精進菩薩一切

精進悉以迴向阿耨多羅三藐三菩提未來世諸菩薩所持精進亦爲阿耨多羅三藐三菩提現在世諸菩薩至心不放逸所持精進亦爲阿耨多羅三藐三菩提是名趣向菩提精進

持精進悉爲阿耨多羅三藐三菩提未來世諸菩薩所持精進亦爲阿耨多羅三藐三菩提現在世諸菩薩至心不放逸所持精進亦爲阿耨多羅三藐三菩提是名趣向菩提精進

菩薩地禪品第十四

卷五

云何菩薩摩訶薩性禪菩薩若聞菩薩法藏若思惟義若世間禪出世間禪繫心一處定智分等修習於道是名性禪一切禪者有二種一者世間二者出世間是二種復有三種

向阿耨多羅三藐三菩提過去世諸菩薩所

一者入禪現在受樂二者入禪增長菩提三者入禪利益衆生入禪現在受樂者菩薩摩訶薩破諸疑網身心寂靜受遠離樂壞諸惱慢不貪著味離一切相是名入禪現在受樂入禪增長菩提者菩薩摩訶薩禪定有種種緣不可思惟不可稱計無有限量攝十力性得種種三昧如是三昧一切聲聞辟支佛等尚不識名況能修習復有共法所謂八勝處十一切處四無礙智願智無諍智頂智增長如是共有法至故是名入禪增長菩提入禪

利益衆生者有十一種如戒中說菩薩摩訶薩修具如是十一種禪能化衆生破苦煩惱修習善法種種智慧知恩報恩能救衆生種種苦惱能施一切所須之物善知方便能畜弟子能使弟子隨意受行如是等禪名一切禪難禪者有三種一者菩薩摩訶薩入禪定時所受快樂勝於一切世間之樂及出世樂爲衆生故捨禪定樂受欲界身二者菩薩摩訶薩修習禪定無量無邊阿僧祇等不可思議不可稱計修習三昧一切聲聞辟支佛等

不能知其所入境界三者菩薩摩訶薩禪因緣故得阿耨多羅三藐三菩提是名難禪一切自禪者有四種一者共覺觀二者共喜三者共樂四者共捨是名一切自禪善人禪者有五種一者無愛二者共慈三者共悲四者共喜五者共捨是名善人禪一切行禪者有十三種一者善無記二者神足三者趣舍摩他四者趣毗婆舍那五者自利六者利他七者得五神通功德禪八者辭因緣九者義因緣十者舍摩他相因緣十一者毗婆舍那相

因緣十二者捨相因緣十三者現在受樂行因緣是名一切行禪除禪者有八種一者菩薩入三昧時能除衆生種種苦毒所謂暴風電雨熱病鬼病是名爲禪二者若入三昧能治衆生身中四大不調適苦是名爲禪三者若入三昧能於亢旱飢饉之世施降甘雨是名爲禪四者若入三昧能令衆生離種種怖所謂人怖鬼怖水怖陸怖是名爲禪五者若入三昧能施曠野飢乏衆生水漿飲食所須之物是名爲禪六者若入三昧能施貧窮困

菩之人種種所須是名爲禪七者若入三昧能破十方衆生放逸是名爲禪八者若入三昧能破衆生種種疑網是名爲禪是名除禪自利利他禪者有九種一者入禪因神足故調伏衆生二者入禪因他心智故調伏衆生解五三者入禪因真實說故調伏衆生四者入禪爲惡衆生示地獄苦五者入禪令失精者語六者入禪令失念者念七者入禪隨順解說十二部經菩薩法藏菩薩摩訥爲法久住八者入禪能教衆生種種世事書疏算數讀誦

畫印金木瓦匠九者入禪爲放大光明破三惡衆生苦惱是名自利利他禪寂靜禪者有十種一者世法寂靜淨二者出世法寂靜淨三者方便寂靜淨四者本根寂靜淨五者上寂靜淨六者入寂靜淨七者住寂靜淨八者起寂靜淨九者自在寂靜淨十者煩惱智慧二障寂靜淨如是十種寂靜淨名爲淨禪菩薩修習如是十種成就無量無邊功德爲得無上菩提果故過去未來現在菩薩皆修是禪得阿耨多羅三藐三菩提

菩薩地慧品第十五

云何菩薩性慧爲一切智故分別法界是名性慧又復善學五種方術所謂內方術因論聲論醫方一切世事是名性慧一切慧者有二種一者世間二者出世間是二種復有三

第五

種一者智如實智智如實知五種術知三聚

衆生知利益衆生方便知法界不可說知四真諦無我無我所於諸法界無有覺觀觀諸法界其心平等不捨不著不常不斷說於中道是名智慧二者知世間事及出世法爲阿

釋多羅三藐三菩提故是名智慧三者觀深法界分別演說爲利益衆生故是名智慧是名一切慧難慧者有十一種如戒中說爲調衆生故善知其心是名難慧知一切法界無有障礙是名難慧爲諸衆生說深法界是名難慧善知無我及無我所是名難慧一切自慧者若能受持讀誦解說聲聞法藏菩薩藏故則得修智因修智故得智慧力智慧力故知可修不可修可作不可作至心觀無量事是名一切自慧善人慧者有五種一者因問

正法故得二者因思惟正法故得三者因自利利他故得四者因不顛倒見法處所故得五者因破煩惱故得復有五種一者能知微細甚深義故二者修習禪定知法界故三者共慧莊嚴得慧故四者從佛菩薩來故五者具足獲得寂靜之心乃至畢竟心故是名善人慧一切行慧者有十三種一者苦智二者集智三者滅智四者道智五者盡智六者無生智七者法智八者比智九者世智十者通智十一者因智十二者力智十三者初心

智是名一切行慧除慧者謂四無礙智世智出世智破一切闇故是名除慧自利利他慧者如初五術中說以是五術因緣故得阿耨多羅三藐三菩提是名自利利他慧寂靜慧者爲真實故修習爲衆生故修習爲得義故修習爲知因果歸言故修習爲破顛倒故修習爲善知方便故修習爲知作不作事故修習爲知煩惱故修習爲畢竟得故修習是名寂靜慧菩薩具足如是十慧名智名慧亦名畢竟亦名真實亦名無量慧以是無量慧因緣故

菩薩具足般若波羅蜜具足般若波羅蜜故得阿耨多羅三藐三菩提如佛經中有具足般若有不具足當知十種性乃至寂靜或說一波羅蜜或說二三四五六若說一則攝於六乃至說六亦攝於六若有衆生聞一一中十種名字信受奉持讀誦書寫分別廣說教化衆生畢竟當得具足成就六波羅蜜

菩薩地輶語品第十六

云何菩薩性輶語菩薩摩訶薩歡喜語樂聞語實語法語義語利衆生語是名性輶語一

切輶語者菩薩摩訶薩若見有人初未相識見已輶語先意共談若見前人端正有德勝於色者不懷妬心破於憍慢敬意問訊四大安不道路疲極不苦惱不善來相見爲施牀坐給施漿水爲行世法故隨衆生意故菩薩終不爲諸衆生說麤惡語所謂死殺破壞劫奪失物唯說善語所謂汝兒息長大今已娉娶財物滋息穀米豐熟智慧成就信戒施進廣博多聞菩薩具足如是法語爲利衆生是名一切輶語解析輶語者有二種一者隨世解五

二者隨出世世者有二一者下世二者上世出世有二種一者正法自利出世二者正法利他出世菩薩摩訶薩爲下上世法輞語爲自利利他出世輞語是名解軒輞語難輞語者若有衆生來害菩薩菩薩於彼生於子想至心輞語謂打者罵者劫者又難輞語菩薩摩訶薩常爲癡人輞語說法身口意業多受衆苦雖受大苦續復教喻汝好勤學後當如我或復見勝是名難輞語復次菩薩見有瞋人妬人慳人不受師教欺誑師長父母宿德

惡害邪見賊旃陀羅與共輞語不生惡心是名難輞語一切自輞語者有四種一者爲破煩惱因緣故輞語二者爲生人天因緣故輞語三者爲增長善法因緣故輞語四者爲說莊嚴菩提因緣故輞語復有四種一者說四真諦令彼解故二者破四倒故三者破放逸故四者破疑心故是名一切自輞語善人輞語者菩薩摩訶薩教化衆生時有因緣故說法所謂爲解脫因緣故說法爲莊嚴菩提因緣故說法爲神足因緣故說法爲持戒因緣

故說法是故諸法從緣故生從緣故滅是名善人軟語一切行軟語者若說法時有可聽者有可遮者以柔軟語隨順法性說字不倒有恐怖者能以軟語令除恐怖有求乞者亦以軟語許之施與是名一切行軟語除軟語者離口四惡妄語兩舌惡口無義語見則言見聞則言聞知則言知識則言識不見不聞化調伏衆生是名性利他一切利他者未熟不識不知亦復如是是名除軟語自利利他軟語者若見受苦之人爲說軟語若以軟語教化衆生或以軟語教戒衆生或以軟語教

辭五

十六

令正見或以軟語教令行施或以軟語教令正命或以軟語說於正法是名自利利他軟語寂靜軟語者有二十種如初性力品中說語寂靜軟語者有二十種如初性力品中說性利他者若菩薩摩訶薩爲教誠他分別戒義說如法住義憐愍衆生修習悲心至心教化調伏衆生是名性利他一切利他者未熟衆生令解脫故得現世樂及他世樂教出家者是名他世樂說法教令破欲界結是名現在他世樂以破欲界諸煩惱故身心寂靜身心寂靜故受安樂是名一切利他難利他者

有三種若有衆生未種善根未有善因難教化者是名難利他二者若有衆生多饒財寶勢力自在貪心慳惜難可教化何以故放逸
解五
故是名難利他三者若有外道邪見難可教化何以故癡狂故能化如是等得利益故是名難利他一切自利利他者有四種一者未有信者教令生信二者未有戒者教令持戒三者慳貪之人教令修施四者愚癡之人教令得慧是名一切自利利他善人利他者菩薩摩訶薩教化衆生令知真實知時知義知

柔軟語教化修慈是名善人利他一切行利他者菩薩摩訶薩見諸衆生可讚歎者則以美言讚歎可訶責者則以善言訶責若有衆生於佛正法破信心者則能調伏未入佛法者教令得入已得入者爲說正法令彼善根得增長故調伏安置於三乘中根已熟者爲說解脫樂聲聞者教令發阿鞞多羅三藐三菩提心未有善莊嚴者教令茲嚴無定性者教定性心是名一切行利他除利他者若有衆生無慚愧者教令慚愧麤雜乏人教令修

心爲妬嫉者除壞垢心爲慳念者除斷慳心爲疑心者除破心疑網是名除利他自利利他者菩薩摩訶薩常以十善教化衆生是名自利利他寂靜利他者有十種善內寂靜有五種外寂靜亦有五種內五種者一者淨二者不轉三者次第四者徧有五者隨順善法淨者菩薩不以惡法不淨法不善法用教衆生是名爲淨不轉者菩薩於解脫中不說非解脫清淨法中不說不淨不顛倒法不說顛倒是名不轉於非解脫不說解脫不淨法中量苦爲衆生故三者得大喜見諸衆生得利

不說清淨顛倒法中不說非倒是名不轉次第者菩薩有癡者說淺易義而調伏之中根之人爲說中法利根之人爲說上法先說惠施次說持戒後說智慧是名次第徧有者菩薩說法之時不觀衆生種姓貧富隨力隨智而爲說法令彼衆生得安樂故是名徧有隨順善法者觀諸衆生應得下中上法隨爲說之是名隨順善法外寂靜五事者一者菩薩摩訶薩修習無量慈心爲衆生故二者受無量苦爲衆生故三者得大喜見諸衆生得利

辭五

十六

益故四者得大自在猶屬衆生如僮僕故五
者有菩薩具大威德猶故謙卑如旃陀羅子
故是名內外寂靜利他云何名菩薩摩訶薩
同利菩薩摩訶薩既自成就具足善法復以
此法轉勸衆生是名菩薩同利菩薩摩訶薩
爲同行故教化衆生衆生受已善法心堅難
可傾動何以故衆生諦知菩薩成就是善法
已轉以勸我爲欲令我得安樂故若修善法
得惡事者菩薩摩訶薩終不自修以勸於我
菩薩勸化無量衆生同已利時無有一人能

說菩薩自不成就而勸於人亦無有言汝自
不善云何勸他令行善法復次菩薩有自成
就不能勸他有自不成而能勸他有自成就
能勸於他有自不成亦不勸他自成就不動
他者同師同學同法同德不顯己功是名自
成不勸於他自不成就而能勸他者菩薩若
第十九
見諸惡衆生行於惡法旃陀羅人乃至畜生
爲調伏故同彼受身同於事業破惡業故是
名自不成就而能勸他有自成就能勸他者
菩薩摩訶薩自成善法亦勸他人令成善法

破於憍慢輕心轉心是名自成能勸於他有
自不成不勸他者若菩薩自放逸故不能教
化調伏衆生菩薩摩訶薩以六波羅蜜自莊
嚴身以四攝法莊嚴衆生菩薩摩訶薩以六
波羅蜜自調其心以四攝法調衆生心身口
意淨故菩提數法淨自身淨故衆生心淨成
就善身心故名爲無上無勝無共以此無上
無勝無共教化衆生是名同利菩薩摩訶薩
於諸衆生於時於物悉無分別於衆生中無
分別者菩薩爲衆生故行檀波羅蜜乃至般

若波羅蜜求諸善法於時無分別者菩薩摩
訶薩於一切時爲衆生故勤心精進於善
法於物無分別者菩薩摩訶薩爲衆生故受
畜雜物然於此物心無貪著以是三亦分別
因緣故得阿耨多羅三藐三菩提菩薩摩訶
薩甘樂修習一切善行心無悔退以修習因
緣故能壞衆生邪法邪見自所修學善根增
長至心觀察善行功德一切邪見不能沮壞
終不求於轉輪王身釋身魔身及以梵身不
求恩報利養名譽長壽身樂善薩修習如是

等法則得具足檀波羅蜜乃至般若波羅蜜
是名同利菩薩摩訶薩修同利時心不動壞
清淨寂靜大明無翳菩薩摩訶薩住淨心地
具足成就無上善法光明善法光明善法者
辭五
菩薩摩訶薩所行善法一切無有能皆毀者
菩薩摩訶薩心不動者所修善法無有動轉
日夜增長如初生月寂靜善法者菩薩所得
三昧寂靜同於如來垂近阿耨多羅三藐三
菩提菩薩摩訶薩一切施戒一切四攝因緣
故得金剛身得法身果菩薩摩訶薩難施難

戒因緣故獲得如來不可思議功德妙果一
切自施戒因緣故得諸人天所奉供養果善
人施戒因緣故於衆生中爲無有上一切行
施戒因緣故獲得如來三十二相八十種好
除施除戒因緣故得坐道場菩提樹下魔王
眷屬不能傾動自利利他施戒因緣故獲得
如來常樂解脫寂靜施戒因緣故得四寂靜
果所謂身寂靜緣寂靜心寂靜智寂靜十方
四無所畏大悲三念處五智三昧爲衆生故
數有十八不共之法利智慧故乃有無量不

永樂北藏

菩薩善戒經

第七六冊

共法數

菩薩善戒經卷第五